

新絳縣志

卷十

叢
革
考
沿
革
考
舊
聞
考

叢考

古之為史者自以為窮人理物土疆緯六藝該一方函雅故贊篇章方志何獨不然是故纖俗之記底下之書鄉里之傳聞雖無關地方治理而旁搜遠紹亦足以資一縣故實不賢識小君子之所不棄也飾小說以干縣令

語本莊子

固方志之職歟作叢考

上古

雲陽先生養龍於絳北陽石山神龍池

周

晉饑秦輸粟於晉自雍及絳相及名曰汎舟之役

左傳

晉平公至澮上見人乘白驂八駟以來有狸身而狐尾去其半而

新絳縣志

卷十

叢考

一

墮公子車以問師曠對曰狸身而狐尾其名曰前陽之神飲酒

於霍太山而歸其逢君於澮乎君其有喜

瑣語

敬王七年秋龍見於郊魏獻子問於蔡墨曰吾聞之蟲莫知於龍

以其不生得也謂之知信乎對曰人實不知非龍實知古者畜

龍故國有豢龍氏有御龍氏龍水物也水官棄矣故龍不生得

左傳

元 徽孝昌中避爾朱榮之難於此

隋

王 通讀書於馬首山清漣洞今有像存焉里人祀之

汾陰侯生天下奇士也王度常以師禮事之臨終贈度以古鏡曰

持此則百邪遠人度而寶之鏡橫徑八寸鼻作麒麟蹲伏之象
遶鼻列四方龜龍鳳虎依方陣布四方外又設八卦卦置十二
辰位而具畜焉辰畜之外又置二十四字周遶輪郭文體似隸
點畫無缺而非字書所有也侯生云二十四氣之象形承日照
之則背上文畫入影內纖毫無失舉而扣之清音徐引竟日方
絕嗟呼此則非凡鏡所得同也宜其見賞高賢是稱靈物侯生
嘗云昔者吾聞黃帝鑄十五鏡其第一橫徑一尺五寸法滿月
之數也以其相差各校一寸此第八鏡也雖歲祀悠遠圖書寂
寞而高人所述不可誣矣

古鏡
紀序

行絳晉呂三州諸軍事周羅暉中流矢卒於師送柩還京行數里

新絳縣志

卷十

叢考

一一

無輿馬自止策之不動有飄風旋遶焉絳州長史郭雅稽顙祝
曰公恨小寇未平耶尋即除殄無爲戀恨於是風靜馬行

隋書

五代

北漢主改晉州王峻自絳州禦之過蒙坑喜曰蒙坑晉絳之險彼

使吾過此可知其必敗也

五代
史

宋

歐陽修廬陵人薛簡肅公之婿居此最久

薛簡肅公知開封府時明參政鎬爲府曹官公待之甚厚以公輔
期之其後公守秦益常辟以自隨優禮特異或問公何以知其
必貴公曰其爲人端肅其言簡而理盡凡人簡重則尊嚴此貴

臣相也其後果至參知政事時皆服公知人

歸田錄

澄泥硯 即陶硯也爲硯史中著名之產物天錄識餘云絳州澄泥硯以絹袋置汾水中踰年而後取則泥沙之細者已入袋矣陶以爲硯水不涸

按絳州出澄泥硯山西通志及絳州舊志均載及之可知澄泥硯確爲絳州所出惟在今日無製之者蓋其法早已失傳矣角石硯 亦絳郡產物之一歐陽修硯譜云絳州角石其色如白牛角其紋有花浪與牛角無異然頑滑不發墨世人但以研丹耳按此則角石硯非良品可知且今亦無之矣

白縠 爲唐時貢物之一通典云絳郡貢白縠五百匹山西通志

新絳縣志

卷十

叢考

二二

云絳州昔貢白縠今惟織絛與絹朴素無奇按此則絳州確有白縠之貢惟不產白縠則不自今日始矣

夾授紗及貲布 亦昔日充貢之物太平記云絳州貢夾授紗及貲布今亦無之

沿革考

晉地以絳名者故絳新絳南絳北絳種種非一今絳曰新絳似取咸與維新之義非仍新絳舊名也雖然絳山不改絳水長流郡國之廢置封疆之割隸名稱之異同歷代紛更久矣固不能無所甄綜也時過境遷蓋不勝感慨係之作沿革考

絳邑皇古為臺駘之國有汾川

按左傳金天氏有裔子臺駘能業其官宣汾洮障大澤帝用嘉

之封諸汾川

路史以為汾川即正平縣之汾水

以為諸侯沈姒蓐黃

四國皆臺駘之後

實守其祀

通典絳州曲沃有臺駘祠

則臺駘之國由來久矣

又按汾水流經晉省約及千里左傳臺駘封諸汾川通志於臺

新絳縣志

卷十

沿革考

一

駘之後沈姒蓐黃並注地闕或云王莽改彘為黃城在今霍州夫四國皆稱地闕彘為厲王出居之地王莽改彘又何由知其為黃且黃既在霍其三國當亦距霍不遠傳言宣汾洮其國當不遠於汾亦當不遠於洮霍可以言汾豈可以言洮乎又有疑臺駘在聞喜者謂洮水流經聞喜聞喜縣志亦引左宣汾洮語然聞喜指洮而言則可指汾而言則不可况傳明言封諸汾川今絳臨汾上又距洮不遠以地輿測之汾川當在絳地無疑唐為畿內地有大夏之墟

按堯以大夏處實沈太原解絳皆大夏也左昭元年高辛氏季

子實沈與兄閼伯不相能后帝不臧遷實沈於大夏

服虔曰大夏在汾澮

之問 主參唐人是因 杜注唐人謂劉累之等 定公四年命以康誥而封於夏

墟 按翼沃絳皆汾澮流域王世家謂唐地合翼沃絳為一地攷明清類分野書自畢七度至井八度為實沈之分平陽府參

分蒲絳吉隰霍解六州皆冀參分則絳為實沈之所主夫何疑

虞夏仍畿內地實冀州之域又為御龍氏國

按高辛氏以夏墟封堯曰唐堯時為畿輔地及舜受禪使丹朱

續堯後復封唐夏商仍焉 括地志云故唐城在絳州翼城縣西二十里即堯裔子所封 又春

秋云夏孔甲時有堯苗裔劉累者以豢龍事孔甲夏后嘉之賜

氏御龍以更豕韋之後龍一雌死潛醢之以食夏后既而使求

之懼而遷於魯縣夏后別封劉累之孫於大夏為侯至周成王

時唐人作亂成王滅之而封太叔更遷唐人子孫於杜謂之杜

新絳縣志 卷十 沿革考

伯即范宣子所云在周為杜唐氏者

商為豕韋及三爰國

按通志豕韋即詩韋顧既伐之韋也自是故國或云劉氏蓋劉

累之後也國語范宣子所謂在商為豕韋者韋昭注商謂武丁

之後為豕韋者初祝融之後彭姓為大彭大彭豕韋二國為商

伯其後商滅豕韋劉氏自御龍代豕韋豕韋自商之末改國於

唐後為周成王所滅據韋氏此注知成王所滅之唐雖號豕韋

而仍劉氏也 劉氏為高辛氏實沈之後其說已見前

又按史記桀犇鳴條湯遂伐三爰俘厥寶玉注引孔安國曰三

爰國名桀走保之今定陶也此說恐非攷通志謂即聞喜三爰

山之原蓋以紫金山俗有三縣頂之說也

紫金山最高處有三峰一近曲沃一近聞

喜一近絳

此山土石色紫即古絳山距絳一二十里舊志十景有紫

金積雪即此

周職方冀州地初爲唐國後改晉晉又遷絳有荀城清原九原醫

桑王澤

按史記晉世家唐叔虞者周武王子而成王弟武王崩成王立唐有亂周公誅滅唐成王以封叔虞故曰唐叔虞唐叔子燮是爲晉侯詩朱註唐本堯舊都南有晉水至燮乃改國號曰晉唐叔所都在今太原府曲沃及絳皆在今絳州

又按通志云絳之命名其地不一成侯居曲沃則曲沃名絳昭

新絳縣志

卷十

沿革考

一一

侯徙翼翼又名絳景公遷新田新田即新絳獻公城聚聚即故絳溯厥名稱大抵皆以絳山絳水表望者顧以絳山言四處皆以絳名而不徒絳縣以絳都言四處皆有絳都而絳縣獨無又曲沃始爲下國後改爲絳翼雖爲絳而未能昌大惟聚自獻公遷都以來名之曰絳多歷年所惠懷文襄靈成景世承霸業厥後曰臨汾曰汾城莫非其地曰絳州曰絳郡仍沿其名此絳之名所以歷久而不渝也

又按舊志云荀城晉公族大夫荀氏邑在州西十五里水經注曰古水西南逕魏正平郡又西逕荀城東古荀國也古水通志引作汾水汲郡古文晉武公滅荀以賜大夫原氏事並見姓苑

荀引作郇詩郇伯勞之周書王會引作荀元和志云西南四里絳之正平西十五里則古水入汾流域不出絳境矣蓋荀分兩族中行智並稱荀一在猗氏一在新絳也

又按絳北二十里有九原山隸絳境東西九里平原突起土阜九區禮檀弓趙文子與叔譽觀於九原即此或有謂在絳縣北者有謂在和順縣西北者不知何據水經注又以爲在京陵縣

漢志太原郡京陵師古曰即九原顧氏日知錄以爲因記文或

作九京而傳會之爾

原注文子曰是全要領以從先大夫於九京也方氏曰九京即九原指其冢之高曰

京其地之廣曰原

又按山西志輯要哺飢坂在城北五里左傳地名醫桑傍有靈

新絳縣志

卷十

沿革考

四

轍祠今之侯莊坡也左傳趙宣子田於首山舍於醫桑食靈轍餓即此醫桑注言桑之多陰醫處又首山注爲雷首山今雷首在永濟縣南宣子何從遠獵於彼然當時晉之幅員寥闊注疏家俱言首山爲雷首未有以距絳地遠而疑之者且古人遺址

昭昭耳目哺飢坂道祠墓猶存

縣人辛全祭靈轍文其略曰惟公孝不忘親義能致身圖報知

己捐身以殉高風正氣百代常新使人人而若公天地間安得有逆親之子使人人而若公天地間安得有後君之臣使人人而若公天地間安得有忘師之門人公之行其大有補於人心世道也乎全不揣踈拙倡學斯鄉屢遭屯蹇初心不忘與公神交正氣昂昂幸公祠墓煥然表章偕我同志共薦椒漿仰冀公神來格洋洋敢不努力以振天常公其啓翼世道之光

可以疑雷首者並疑及此耶

又舊志絳西北四十里有馬首山史記趙盾田於首山即此第

以絳都在太平縣南二十五里以今攷之道路往來不逕侯莊
奚以哺餓夫於此耶然通志以太平縣南之古晉城爲漢臨汾
故城謂唐以前無人指爲絳都者因以古絳爲今之曲沃縣今
由曲沃至馬首山必逕侯莊則哺饑坂尤確有可證姑備一說
以俟後之君子攷焉

又按通志清原在絳西北三十里太平記又以稷山縣有清原
城冀州圖云在縣西二十里攷稷山本割聞喜皮氏兩縣地置
縣西當爲皮氏地左傳晉侯蒐於清杜注以爲即清原在聞喜
縣北夫聞喜之北適當稷山縣南若絳則稍偏於東清原之在
絳西宜也通志之說誠爲確論

新絳縣志

卷十

沿革考

五

又按史記智伯瑤攻趙襄子襄子奔保晉陽原過後至遇三人
於王澤正義括地志云王澤在絳州正平縣南七里舊志作在
州西七里今雖無遺跡可攷要其地不出絳境焉

三分晉後地屬魏曰汾城

按方輿紀要臨汾城亦曰汾城舊通志臨汾故城在絳州東北
二十五里與太平縣南境相接通志古蹟攷乃以涇城涇庭汾
旁臨汾爲一地不知涇城汾旁是汾旁之涇城在今曲沃西北
二十里史記韓世家秦拔我涇城汾旁夫汾城爲絳太間地秦
時已有其稱如秦昭襄王五十年發卒軍汾城旁是也蓋涇城
屬韓汾城屬魏鑿鑿可據通志古蹟攷將涇城汾旁溷爲一地

實爲未允

秦屬河東郡北爲臨汾縣西爲長修縣

按漢書地理志河東郡下孟堅自注曰秦置明此郡二十四縣皆因秦之舊也志中臨汾長修並列下皆無注查臨汾在絳北

注見前長修在絳西北詳見下秦立縣之地釐然可攷史記高祖本

紀及韓信曹參傳漢王遣將軍信擊魏豹大破之遂定魏地置三郡曰河東太原上党而志中三郡下並注秦置始皇本紀分天下爲三十六郡注中亦列此三郡則臨汾長修二縣可類推而知爲秦置矣

漢仍秦舊長修爲侯國東漢省長修其臨汾仍舊

新絳縣志

卷十

沿革考

六

按舊志漢初魏豹并晉韓信虜豹定魏改絳爲臨汾

又按絳長修故城郡國縣道記云在州西北三十里漢高十一年以功封杜恬爲侯國攷長修漢志無注郡國縣道記云絳長修故城錢坫以爲今稷山縣非也稷山在汾南而長修故城在汾北一不合也稷山在絳州西南而長修故城在絳州西北二不合也且稷山本聞喜縣西北之稷亭後魏始析出兼割龍門縣地置高涼縣隋乃更名稷山耳漢時尚無城也使長修故城在此地北魏不待割別縣而創置矣三不合也長修今在泉掌

鎮見舊志亦曰長秋鎮

又按後漢郡國志河東郡秦置洛陽西北五百里蓋據漢京都

言之統城二十第三縣爲臨汾注博物記曰有賈伯邑左博杜注爲姬姓國據通志在平陽太平縣又有董亭注左傳曰晉改蒐於董亭第九縣爲聞喜有董池坡古董澤注亦曰左傳改蒐於董董澤之蒲今其地在聞喜東北四十里一地兩屬意者漢時臨汾所屬南至董亭與聞喜分界歟不然何以忽言臨汾忽言聞喜耶

又按郡國志東漢無長修疑長修已省水經汾水又西過長修縣南水經世謂非桑民作然上文汾水又南過永樂縣西則爲東漢人無疑經曰當時地名長修猶存似未省也始後再攷

晉仍爲臨汾縣屬司州平陽郡十六國時陷入劉氏亦名汾城亦

新絳縣志

卷十

沿革考

七

曰絳

按晉司州統郡有平陽平陽統縣有臨汾攷晉書地理志於襄陵臨汾汾陰等四縣並注云公國晉陽注云侯國而列傳公侯之封可見者無此四縣猶漢表侯者三十餘人而志僅騏爲侯國皆由作史者失於檢照也

又按河東自陷入劉氏劉元海僭號稱漢初理於蒲子平陽屬縣壁壘皆降後徙都平陽晉永興二年并州刺史東瀛公騰遣司馬瑜周良石鮮等伐漢次於離石汾城爲淵將劉欽等所敗是臨汾亦曰汾城之明證也又臨汾仍名絳如建興五年七月洛陽守將高固河內太守郭默並反漢牧馬東至於絳揚言當

生縛劉粲以贖天子是也

見魏書序記晉書列傳記載

後魏置東雍州析漢臨汾縣地為南太平旋為正平縣後復置正平郡領聞喜曲沃二縣後州改東雍州為絳州徙聞喜縣龍頭城復徙柏壁後又徙玉壁有長秋鎮武平關雀關

按魏時絳在柏壁太平記絳州正平縣柏壁城在縣西南二十里後魏明帝於此置柏壁鎮太武帝廢鎮置東雍州及正平郡孝文帝廢東雍其正平郡不改

按魏志神元年改正平郡為征平至是乃廢州復郡仍為正

平非不改也

東魏孝靜復置東雍州通志正平城亦曰征平郡本南

太平也

並見魏志正平郡注舊志謂析臨汾縣地置南太平即此

在絳州西南柏壁又即今

州城也今考柏壁在絳城西南茲曰又即今州城似由柏壁遷

新絳縣志

卷十

沿革考

八

今州治耳

又按通志沿革譜東雍州下注云北周明帝武成二年改絳州

正平郡周武成初與絳州同治龍頭城

即今聞喜縣東五十里龍頭堡見聞喜縣新志

武帝時州徙柏壁建德中又徙玉壁方輿紀要玉壁城在稷山

縣西南十三里西魏大統四年東道行台王思政以玉壁險要

請築城自恆農徙鎮之八年高歡伐魏入自汾絳連營四十里

思政守玉壁以斷其道高歡圍之不能克十三年韋孝寬代思

政鎮玉壁歡百計攻圍孝寬隨計拒守歡智力俱盡卒不能拔

周保定初置勳州於此以旌孝寬之功後又嘗移絳治此攷稷

山縣志所載與此略同又接近有高歡城乃舊志謂其地在絳

境之武平莊西地接稷山東北小杜莊頗覺歧異竊謂玉武壁平一聲之轉以武平當玉壁恐後人附會玉壁之說當以方輿記要爲是

又按後周天和五年韋孝寬在勳州請築華谷長修二城以杜齊人爭汾北之路不聽旣而齋斛律光出晉州道築華谷龍門二城與周人相持夫周不築華谷不足以禦齊齊築華谷即足以與周人相持其地之險要勿論矣至長秋鎮則今泉掌鎮即漢之長修縣也今攷其地北當鄉窰馬壁峪之衝西爲入秦之通衢形勢所在故兵家爭趨之漢之置縣於此良有以也特是縣名長修以縣南有修水耳今泉掌有數泉並無以修名者豈

新絳縣志

卷十

沿革考

九

修水易其名與抑修水已涸而今之水皆非昔之修水歟通志云長秋即長修語有輕重耳

又按元和志絳州正平縣武平故關在縣西三十里高齊時置

疑在歡攻圍玉壁時舊志亦云北齊屯兵以防周寇

唐志云西有武平關通典云姚襄城

洪洞晉州武平三關皆與元和所載同又按通典絳州南七里
有故家雀關亦周齊時戍守處舊志作雀關在城西

隋初罷正平郡自玉壁始徙今治置絳州後改爲絳郡領縣八治
正平翼城曲沃稷山聞喜垣曲太平絳

按正平隋地理志舊曰臨汾置正平郡開皇初郡廢十八年縣
改正平大業初置絳州又有後魏南絳郡後周廢郡又併南絳

縣入小鄉縣開皇十八年改曰汾東大業初省入焉攷通志正平郡魏置在稷山玉壁開皇初始徙今治隋志云又有後魏南絳又併南鄉入小鄉改名汾東是並南絳汾東地皆割隸正平郡矣攷地理者每謂隋唐後之絳州絳郡較北魏之絳郡亦復擴衍不誠然哉所異者南絳既隸正平隋志絳州八縣仍有絳縣汾東省入正平隋志絳州屬有翼豈絳縣西境割入正平而絳縣仍在乎抑汾東隸入正平而有不盡隸正平者仍爲翼乎今攷一統志絳縣在正平東南絳縣西北境割入正平猶可說也汾東在今翼西二里翼西爲沃地正平猶在沃西隔境屬地有類花挿姑闕疑以俟知者

新絳縣志

卷十

沿革考

十

又按李安遠者大業末補正平令唐主興攻絳州與通守陳叔達嬰城拒守唐拔絳後授右翊衛統軍正平縣公陳叔達爲陳宣帝子受業於文中子即隋書所謂絳郡通守者也舊志謂州設通守始有正平令之稱此其證也

唐初置總管府管絳潞蓋建澤證韓晉呂檜秦蒲虞芮邵十五州旋廢總管府又復絳州爲雄郡正平爲望縣後分天下爲十三道絳屬河東道領縣七仍隋舊惟無稷山有鼓山秦王堡

按唐地理志唐興高祖改郡爲州改太守爲刺史又置都督以治之是置絳州總管府之始有府三十三

又按舊志鼓山即古堆也唐高祖克霍邑進攻臨汾郡犒軍宿

山上溫大雅大唐創業起居注曰唐寅宿於絳郡西北之鼓山帝爲討捕大使時舊停營所故逗而宿焉去絳二十餘里絳城不下是日曉鼓山西北有大浮雲色或赤似華蓋樓闕之形須臾有暴風吹來向營而臨帝所居帳上帝指絳城而謂傍侍曰風雲如此彼何不達之甚辛卯帝觀兵於絳取之朝食於正平縣令之宅高祖本紀辛卯克絳都與起居注同攷大雅爲唐人傳稱高祖兵興引爲大將軍記室參軍主文檄則其注高祖鼓山之宿實所目覩也故舊志詳載之

又按方輿紀要柏壁鎮有秦王堡唐初劉武周及其將宋金剛陷并澮等州秦王進討自龍門渡河屯柏壁大破其將於美良

新絳縣志

卷十

沿革考

十一

川陳瓛柏壁記略絳附郭邑曰正平地多崇岡峻嶺西南二十里有巨坂尤高峻古柏壁關也上有秦王堡深溝巨壑絕崖陡險太宗號稱知兵宜其屯兵於此云

梁唐晉漢周屬領如舊惟唐時增稷山而漢周時無聞喜按唐書地理志絳州絳郡領縣七有聞喜縣河中府屬縣十三有稷山縣五代史郡縣志則稱漢乾祐元年升解縣爲州割河中府聞喜安邑解三縣爲屬邑夫地輿忽割忽併固無足異但史止稱割河中府聞喜屬解聞喜何時改隸河中則概乎其未之聞史之闕文滋疑實甚又郡縣志後唐同光二年割河中府稷山縣隸絳州攷稷山本隸絳州唐末始屬河中茲又割自河中來屬

史雖未明言其故竊謂據河中言則聞喜近而稷山遠就絳州言則稷山近而聞喜遠交易其屬管轄兩便不愈於越國鄙遠鞭長莫及也耶

宋爲雄州置絳郡防禦正平爲望縣仍領七縣有鼓堆泉按隋唐以後州縣無大更革宋地理志絳州爲雄郡正平爲望縣領曲沃翼城太平稷山絳垣曲共七縣河東路南盡晉絳則絳爲雄州宜哉舊志謂在李唐爲六雄之一竊於宋時亦云

又按司馬光鼓堆泉記鼓堆在州西北二十里鼓者言人馬踐踏逢逢有聲蓋水源充滿石下而然堆首有神祠蓋以水陰類也故其神爲婦人像即世所稱孚惠聖母者祠內有樓原名神

新絳縣志

卷十

沿革考

十一

泓閣舊志石鼓神泓爲邑十景之一

金上州正平爲倚劇置絳陽軍節度使旋升爲晉安府總管河東南路兵馬又置河東南路轉運司領縣八增平水有澤掌鎮定境山

按金天會六年置絳陽軍節度使又設節度副使節度同知節度判官各一員

見舊志

興定二年十二月爲晉安府總管河東南

路兵馬三年三月置河東南路轉運司領縣八有平水注曰定興四年七月徙置河汾之西正平爲倚劇

又按澤掌鎮在絳西北三十里亦名清化鎮唐司馬君實鼓堆泉記堆之西山曰馬首其東長陸纒屬相傳以爲晉之九原其

北水出澤掌別名清泉者也又舊志鎮東北一里有龍頭泉灌本莊鼓堆蔡村地二三頃此泉性寒不甚發苗

又按金志定境山不知何時隸入絳境查山西志輯要云唐時長安中部人與慈州爭地因其青山爲界勅改爲定境山定境之名始於唐時意者金時始隸入絳境不敢臆斷闕疑可也

元初爲中州置絳州行元帥府河解二州諸縣皆隸焉後罷元帥府仍爲絳州隸平陽路領縣七無平水治正平爲下倚縣有柏壁關

按元地理志絳屬縣與金時同惟無平水絳縣注至元二年省垣曲縣入焉十六年復立垣曲縣絳縣如故王惲重修老子廟

新絳縣志

卷十

沿革考

十二

記略以爲絳州地界河山之壤總六縣殆就省垣曲時言之耳舊志沿革於元時曰領縣七而地表但列正平河津稷山絳垣曲聞喜六縣無曲沃今依元志補正

又按陳瓛柏壁記略正平西南二十里古柏壁關上有秦王堡深溝巨壑絕崖陡險南北斷壁截然千仞中有舊途相去百餘步下而復上其實古關門遺址廣僅一軌歷歲月久遠其途如線騎不可並車不可旋於是絳監郡峻吉牙失里亟命正平尹閔侯經營之攷峻吉牙失里爲元大德時達魯花赤載舊志明屬山西布政司隸平陽府領稷山垣曲絳三縣

按明史地理志洪武二年置山西等處行中書省蓋初年尙沿

元制也三年十二月置太原都衛與行中書省同治八年十月改都衛爲山西都指揮使司九年六月改行中書省爲承宣布政司絳隸平陽府省正平入州治領稷絳垣三縣州注曰西北有九泉山南有汾水澮水自東南流入焉西有武平關攷絳境西北無九泉山恐有誤意者其九原乎

又按舊志靈邱王別城絳州城內朝殿坡即靈邱朝王處也今改建關帝廟按明史諸王表明太祖建藩諸子皆令就國桂封代王都大同其以支庶分封者絳州始於靈邱王遜炗太祖簡王桂庶子永樂二十二年封諡榮順榮順生王仕塲爲嫡子諡僖靖僖靖生王成鈺爲庶子諡莊和莊和生王聰澗爲嫡子諡

新絳縣志

卷十

沿革考

十四

端懿自僖靖至端懿三代皆以孝旌端懿生王俊格爲嫡子以曾孫鼐鏞襲封追封王諡康悼康悼生王充煨爲嫡子諡悼懿悼懿生王延址爲嫡子諡依僖依僖生王鼐鏞爲嫡子隆慶三年以罪廢爵除又有山陰王者亦代簡王子別城蒲州是爲康惠王厥後有王仕楓王成鏊王聰澗王俊柵以世次言則仕塲仕楓成鈺鏊聰澗聰俊格俊柵皆兄弟行也又聞喜新志董澤之湖屬蒲藩清原之田屬絳藩爲二藩之屬隸山陰靈邱爲二藩之舊封後王因之不改者也按山陰靈邱皆代北縣名

清仍屬山西布政司隸平陽府旋改爲直隸州領稷山河津聞喜

絳縣垣曲五縣

按舊志國朝屬領如舊雍正二年改爲直隸州析平陽府之太平襄陵河津稷山來屬七年又以太平襄陵易平陽府之聞喜絳縣並析解州之垣曲來屬於是絳州統稷山河津聞喜絳縣垣曲五縣攷明時絳屬稷絳垣三縣舊志稱清時屬領如舊夫三縣既係舊屬雍正二年何故復析平陽之稷山來屬七年又何故易平陽之絳縣并析解州之垣曲來屬豈雍正前之屬領非復往日之舊與何上下文之不相蒙耶

民國廢布政司府州改絳州爲新絳縣屬山西河東道有泉掌蘇村陽王三鎮

按邑分四區第一區區長住城內第二區區長住陽王鎮第三

區區長住泉掌鎮第四區區長住蘇村鎮

舊聞考

僑辨黃熊朔識騶虞昔之博物君子往往即事物而溯其災祥蜚飛蚋見龍鬪豕號反常爲妖所以著在載籍也况乎兵戎災異何代蔑有大之則關於一世小之則係乎一方或載史編或登縣乘凡皆所以資修省非徒矜奇炫異而已舊志雜志門多誌軼事今據通志大事記有關於絳者增補之如曰僅供謏聞夫豈修述之微意也哉

災祥

周

貞定王三年地震

新絳縣志

卷十

舊聞考

一

考王八年彗星見

十三年無雲而雷

威烈王三年有大火下於北方其聲如鼓

安王十五年大風晝晦

竹書
記年

顯王七年大雨三月魏敗韓趙兵於澮

九年彗星見

十年星晝墜有聲

史記

二十三年絳中地坼西絕於汾

竹書
記年

秦

始皇四年大雪

漢

景帝後二年秋大旱冬十月日月皆赤十二月雷日色如紫五星逆行太微月貫天街中

哀帝建平元年十二月白氣出西南從地上至天出參下貫天

廁廣如一匹布長十餘丈十餘日去

天文志

章帝建初五年二月戊辰木火俱在參

古今注

和帝永元元年正月辛卯有流星起參長四丈有光色黃白

古今

注曰癸亥鎮在參

永元七年二月癸酉金火俱在參

晉

新絳縣志

卷十

舊聞考

一一

愍帝建興元年汾水大溢

北魏

明元帝永興五年三月戊辰月行參犯太白

宣武帝景明元年八月乙亥頻暴風霽霜

景明四年三月大風拔樹

孝莊帝永安三年五月乙亥太白在參晝見

前廢帝普泰元年十月甲寅金火歲土聚於觜參

東魏

孝靜帝天平四年四月乙酉霜旱人饑流散開倉振恤元象元

年八月東雍州獻嘉禾

靈徵志

元象四年大旱

興和三年大旱

北齊

武成帝河清二年四月蟲傷稼遣使賑恤

齊書

唐

高祖武德二十一年旱

太宗貞觀二十一年秋旱

貞觀十三年地震乙亥又震

高宗永徽元年四月己巳

通志作六月庚辰

旱蝗

五行志

龍朔三年十月十六日麟見

新絳縣志

卷十

舊聞考

三

睿宗景雲二年正月甲戌地震壞廬舍覆壓百餘人

五行志

元宗開元二十年六月癸丑黃龍興觀池同心蓮一莖

代宗大歷七年七月芝草生

穆宗長慶四年好妨害稼

五行志

文宗太和六年秋旱

七年正月賑粟七萬石以常平義倉物充

懿宗咸通六年正月大風拔木有十圍者

五行志

十二月地震裂泉湧泥出青色

咸通八年正月地震壞廬舍壓人有死者有傷殘者

僖宗乾符五年秋大雨汾溢流害稼

宋

太祖建隆四年六月蝗

乾德元年二月辛亥饑命發廩賑之六月有蝗

宋史

開寶五年大水

開寶七年旱

太宗太平興國七年春旱赤地

淳化二年旱

仁宗天聖三年飢

哲宗紹聖四年州治廨新亭池產蓮一莖而雙菡萏

徽宗政和三年火

新絳縣志

卷十

舊聞考

四

元

世祖至元二十六年夏大旱

五行志

成宗元貞二年四月飢賑之

五行志

大德七年地震

武宗至大二年七月蝗

順帝至元六年五月辛卯雨雹大者二尺餘

五行志

十四年十二月辛卯州北方有紅氣如火蔽天

元史

二十一年十月癸巳有赤氣見北方如火

二十三年六月丁巳白虹二道衝斗牛間

二十七年正月己未夜天鼓鳴空中有戰鬪聲

明

正統十四年冬十月文廟前柏樹下有二瓜同蒂而生其狀如斗

成化元年二月彗星見在西北長三丈餘三月乃沒

二十一年大荒有食人者

嘉靖七年荒

十三年大飢冬十月星隕如雨

二十一年七月朔日食既晝晦星見如深夜

二十四年十二月二十四日夜地大震覆墻壓人有死者地

裂湧水

新絳縣志

卷十

舊聞考

五

隆慶元年天裂

萬曆元年天裂

十四年十五年大荒米價一兩四斗

發帑金賑之

二十八年秋八月池水自溢

三十年六月初十日夜大水平地高一丈有奇漂沒北董等

莊

三十二年六月大水地裂辛安諸村雷雨異常水深數尺無所洩忽地裂水注之水盡地復合又諸裂外隔而中通有穀麥陷於此裂者或漂出於他裂人墜裂中復從他裂出

三十三年五月城西雨雹如拳

三十七八九年旱蠲免秋夏稅

四十一年六月二十一日汾水漲溢入城民舍傾圮

四十四五年蝗

四十六年彗星見出東南直冲紫垣白氣長丈餘五十日始沒

崇禎六七年大荒米麥價銀一錢二升發帑金賑濟

八年米麥價銀一錢四升五合

九年米麥價銀一錢二升五合又雨雹如鷄卵核桃

十一年蝗

十二年蝗

新絳縣志

卷十

舊聞考

六

十三年五月十三日汾水竭

十四年大荒米市絕餓死者四坑皆滿

清

順治八年六月泮池水香如龍腦味月餘乃止

九年六月十三日汾水漲溢衝南門桂安兩坊水深丈許街巷結筏以濟房舍大半傾圮西北諸村多遭漂沒行莊爲甚

康熙四年彗星見

七年正月彗星見六月十七日地震

十六年雨沙

十七年秋九月大雨雪深數尺樹木皆折

十八年春正月不雨至夏四月秋淫雨二十五日

二十二年夏大水秋大旱

二十三年大有年

三十年夏大旱秋七月蝗

三十一年大飢並疫

三十二年大有麥

三十三年大有秋

三十四年夏四月地大震數十日乃止

四十三年秋無禾冬桃杏紫荊花

四十四年夏大熟

新絳縣志

卷十

舊聞考

七

四十六年十二月梁周熊妻一產三男

四十七年春正月地震

四十九年夏六月地大震

五十五年春二月地震

五十六年冬十月日重珥

五十九年旱無禾

六十年天鼓鳴歲大旱民饑斗米價銀一兩遣官賑恤蠲免

錢糧有差

六十一年冬十二月日有三珥

雍正元年大有年

乾隆元年秋大熟

七年春地震

十年七月澮河漲

二十四年二月旱至七月初九日乃雨民飢

四十年大水平地深丈餘范莊一帶更甚

嘉靖九年大旱飢

十年大旱饑米麥每市斗銀二兩

道光九年四月二十五日大雨雹如鷄卵二麥盡傷

十一年冬大雪平地深四尺行旅人畜多凍斃者果木凍死

幾盡

新絳縣志

卷十

舊聞考

八

十五年歲饑

十七年六月初六日飛蝗入境不爲災

十九年六月初二至初六日大熟人多中暑斃者

二十二年六月朔日食旣星斗見

二十六年夏歉收秋旱麥未種

二十七年秋大熟

二十九年十二月初六日天鼓鳴有光如火賀西南

咸豐元年大有年米麥每市斗銀一錢八分

二年七月天棊星見西方

三年正月二十二日雨土天赤如火

六年汾水幾竭乘輿可濟

八年七月彗星見自西過紫薇垣掃文昌

十年六月十八日大雨平地水深五六尺自澤掌三泉水西一帶橋梁俱壞

十一年四月彗星見西北七月十五夜星隕如雨八月初一

日日月合璧五星聯珠

同治元年十月地震日夜三四次凡月餘乃止

六年旱無麥秋大熟

七年麥大熟

十一年三月寒甚隕霜殺麥旬餘復生不爲災

新絳縣志

卷十

舊聞考

九

光緒三年日有重珥六七月澮水竭兩次各旬餘

光緒三年四年歲大稔人相食甚有骨肉相殘者餓莩遍野坑

坎皆滿村中戶絕半人十斃六七米麥市斗銀三兩六錢四

五月粟絕市草籽蒲根每斗銀一兩餘秋大疫九月初六日

連雨十有八日汾水漲溢冲沒橋梁無數蠲三年下忙及四

年錢糧並發省局及平陽翼城良馬運城諸局粟米賑之

五年免徵無主荒地錢糧是年鼠多甚食禾穗一夜盡數畝

室內幾無完器狼食人甚有及州城村院者六年麥大熟每

斗銀一錢餘

七年四月朔日食旣星斗皆見

十八年冬寒甚樹多凍死

十九年六月初八日大雨汾水暴漲民房漂沒田禾盡傷北董莊房屋有被雨水衝壞者

二十一年六月十八日汾澮暴漲房屋倒塌無算城內水衝府君巷北

二十五年五月蝗

二十六年旱

二十七年秋旱蝗爲災

二十八年旱

民國五年地震聲如雷或如重車日一二次或三四次房屋圯

新絳縣志

卷十

舊聞考

十

壞民多露宿

六年九月十月有鳶數百飛集北張村北朝散暮聚月餘始去

七年五月二十一日澮水大漲平地水深五六尺中村北台上等村淹沒房屋數百間

八年三月二十一日隕霜傷麥苗菜籽不實

九年二月二十一日澤掌村井入口二尺許有氣如蓋好事者以口吹之氣開處洞見水面吹已復合數日乃止

六月初二日澮水涸至十六日殆有尺水不意二十一日雨僅一犁越日水竟暴漲平地八九尺中村北台上等五村房

屋淹沒殆盡四野盡成澤國人民數日不炊號泣之聲慘不忍聞縣長捐貲並令闔縣各村出粟銀賑之民始稍蘇後中村北另遷於舊村之北他村亦多築河隄

民國九年十二月十六日地震延時甚久約至十分鐘許移時又震聲如巨雷民房圯毀者不少

兵事

周

靈王二十二年欒盈有罪奔齊三月晉將嫁女於吳齊侯使析歸父媵之以藩載欒盈及其士納諸曲沃四月盈帥曲沃之甲因魏獻子晝入絳范宣子奉平公如固宮范鞅用劍以帥

新絳縣志

卷十

舊聞考

十一

卒欒氏退欒樂斷肘而死欒魴傷欒盈奔曲沃晉人圍之盡殺欒氏之族黨

北魏

太武帝太平眞君七年春正月戊辰魏世祖次東雍州庚午圍薛永宗營壘永宗出戰大敗六軍乘之衆潰永宗赴汾水死孝明帝正光五年正平山胡叛逆詔征東將軍章武王融封王爵爲大都督率衆討之

孝昌二年六月絳

通志作南絳

賊陳雙熾聚衆反自號始建

通志作建始

王曲赦平陽建興正平三郡詔假鎮西將軍都督長孫稚討平之

東魏

孝靜帝天平四年十月西魏大丞相宇文泰進軍蒲坂略定汾

絳遣車騎將軍楊擲

通志作標

攻拔邵郡使諜誘說河東城堡旬

月之間正平河北南汾二絳建州大寧等城並有請爲內應

者西魏因攻而拔之以標行正平郡時大丞相高歡西伐敗

於沙苑擲分兵要截殺傷甚衆東雍州刺史馬茶懼擲威聲

棄城遁走擲移據東雍州表行建州事

沙苑之敗高歡徙秦南汾東雍三州入於并又欲棄晉州遣

家屬向英雄城薛循義諫曰若晉州棄定州亦不可保歡怒

循義曰若失守則請誅歡以循義行晉州事循義在州擒西

新絳縣志

卷十

舊聞考

十一

魏所署正平太守段榮顯招降胡酋胡垂黎等部落數千口

表置五城郡以安處之時山胡侵亂循義追討破之進爵正

平郡公

元象元年正月太保尉景攻克正平郡以爲東雍州遣薛榮

祖鎮之

興和元年薛榮祖鎮東雍州西魏建州刺史楊擲將謀取之

乃先遣奇兵急攻汾橋榮祖果盡出城中戰士於汾橋拒守

其夜擲率步騎二千從他道濟遂襲克之

四年高歡入汾絳連營四十里進圍玉壁遇大雪士卒多死

解圍去

北齊

文宣帝天保三年斛律光除晉州刺史東有周天柱新安牛頭
三戍招引亡判屢爲寇竊七年光帥步騎五千襲破之又大
敗周儀同王敬雋等獲口五百餘人雜畜千餘頭而還九年
又率衆取絳川白馬澮文翼城等四戍除朔州刺史十年除
特進開府儀同三司二月率騎一萬討周開府曹迴公斬之
柏谷城主儀同薛禹生棄城遁取文侯鎮置柵而還

周

武帝建德六年三月帝自鄴還至晉州遣高阿那肱百餘人臨
汾水召齊東雍州刺史傅伏伏隔水問至尊何在阿那肱曰

新絳縣志

卷十

舊聞考

十二

已被擒矣伏仰天大哭帥衆入城於聽事前北面哀號良久
然後出降周主見之曰何不早下伏流涕對曰臣三世食齊
祿不能自死羞見天地周主執其手曰爲臣當如此乃以所
食羊肋骨賜伏曰骨親肉疏所以相符引使宿衛授上儀同
大將軍

隋

文帝仁壽四年漢王諒餘黨據晉絳呂三州未下詔左武衛大
將軍周羅暉進兵圍之爲流矢所中遂卒於師旋平賊

煬帝大業十一年絳郡賊敬槃陀柴保昌等阻兵數萬汾晉苦
之詔民部尚書樊子蓋進討於時人物殷阜子蓋善惡無所

分別汾水之北村塢盡焚之百姓大駭相率爲盜其有歸者無少長悉坑之擁衆數萬經年不能破賊詔徵還十二月以李淵代之有降者淵引置左右由是賊衆多降

唐

高祖克霍邑進攻臨汾郡絳郡通守陳叔達拒守進攻克之獲陳叔達

武德二年劉武周將宗金剛攻陷晉州執左驍衛將軍劉宏基進破澮州夏縣人呂崇茂殺其令自號魏王以應賊隋河東守將王行本與武周合關中震動詔秦王督兵進討屯柏壁又詔永安王孝基與于筠獨孤懷恩唐儉等攻夏縣不克

新絳縣志

卷十

舊聞考

十四

軍城南呂崇茂與武周將尉遲敬德襲破孝基軍四將被執敬基還澮州王邀戰破之於美良川敬德復與尋相援王行本於蒲坂王又破却其軍蒲州降上幸蒲津關王自柏壁輕騎謁行在金剛遂圍絳州王還屯金剛引退

肅宗上元初河中節度都統處置使李國貞治於絳尋加晉絳慈隰沁等州觀察處置使既至糧乏而所輸陳腐民貧不忍遽斂上書以聞而軍中謹謗突將王元振乘衆怨給曰具畚鍤以待役事衆皆怒夜燒牙門左右奔告請避之國貞曰吾被命爲將其可棄城乎固請乃逃獄中元振引衆劫去之置食其前曰食是而役其力可乎國貞曰爾等方討賊何事役

爲正緣儲食腐儉已請諸朝吾何所負衆服其言且引去元振曰都統不死吾曹殆盡矣遂害之并殺其二子及三大將有詔以郭子儀代之元振謂且見德子儀怒曰汝臨賊境而害主將賊若乘虛是無絳矣又欲爲功乎即斬以狗代宗大歷中晉絳慈隰節度使馬燧討李懷光率步騎三萬次於絳略定諸縣降其將馮萬興任象玉遂圍拔外郭守將夜棄城去將四千人遣李白良定六縣絳其將辛旻收卒五十裨將谷秀違令掠士女斬以狗僖宗中和元年代北起軍使陳景思行至絳州沙陀軍亂大掠而還

三年李克用代鄭從讜爲河東節度使從讜行黃頭軍以糧少刳其貲從讜閒走絳州方道梗不通數月乃達長安

光啓中李罕之攻州王友遇降之

文德元年春河陽節度使李罕之攻絳州降之進攻晉州河中王重盈密結河南尹張全義圖之全義潛師襲河陽罕之出奔專以寇鈔爲事懷孟晉絳間州無刺史縣無令長田無麥禾邑無煙火者殆將十年河中絳州之間有摩雲山最高州人壁其地避亂羣賊往攻之不克李罕之以百人徑拔之人號爲李摩雲

昭宗龍紀元年李存攻州取之

大順元年十月李克用遣兵取晉絳二州

乾寧中王琪王琮進兵河中珙厚賂王行瑜等攻王珂珂求救於李克用西討王行瑜攻下絳州斬刺史王瑤

天復元年正月戊申朱全忠討陷絳州

五代晉

天福十二年後漢高祖發太原出晉絳絳州刺史李從朗拒之親至城下諭之乃降上命親將分護諸門士卒一人毋得入

宋

欽宗靖康元年金兵破城巷戰三日既拔乃播遷居民而以郊居者實之

新絳縣志

卷十

舊聞考

十六

高宗建炎二年夏五月金婁室自長安大掠而東時絳州猶固守婁室還軍陷之

金

太宗天會六年河東郡縣多叛穀英以先鋒攻絳州克之

宣宗貞祐三年徙朔州民分屯嵐石隰吉絳解等州

興定二年六月石州賊馮天羽衆數千據臨泉縣爲亂州刺史圻石烈公順赴以兵殺天羽等數十人其党安國用等降者五千餘人就署國用同知孟州防禦使以次遷擢有差分其衆於絳霍間十一月甲申河東南路隰吉等州聽絳州元帥府節制十二月乙亥朔升絳州爲晉安府總管河東南路兵

三年十一月戊午元兵下晉安府行元帥府事工部尙書粘割貞死之

四年三月僉樞密院事完顏賽不奉詔出兵河北招降晉安權府事皇甫珪正平縣令席永珪率五千餘人來歸得糧萬石時河北所在義軍官民堅守堡寨力戰破敵者衆寨不上章言此類忠赤可嘉若不旌酬無以激人心乞朝廷量加官賞萬一敵兵復來將爭先效用矣上召樞密官曰朕與卿等亦嘗有此議以不見彼中事勢故一聽帥臣規畫今觀此奏甚稱朕意其令有司遷賞之四月遷樞密副使

五年五月完顏賽不引兵救河東戰屢捷復晉安平陽二城

新絳縣志 舊聞考 卷十 十七

遷使來獻捷御史烏古胡魯劾其縱將士虜掠上以賽不有功詔不問賞議亦寢

元光元年七月庚戌元將按扎兒以其衆屯晉安翼州之境冬十月己卯元右副都元帥史天倪從木華黎徇河東至絳州其團樓毳以石牢不可破天倪命穴其旁地虛樓陷遂拔之以谷里夾打爲元帥達魯花赤攻拔石隰州擊絳州克之

正大六年八月元國王孛魯圍絳州武仙退保潞東十餘里原上孛魯馳至沁南未五鼓紇石烈引兵襲其後孛魯戰失利輜重人口皆陷沒

元順帝至正十八年三月癸卯王土城陷晉冀路總管杜賽因

不花死之甲辰察罕帖木兒遣賽因赤等復晉甯路丙辰冀甯路陷辛酉大同諸路陷察罕帖木兒遣關保等往擊之時賊分二道犯晉冀一出沁州一侵絳州

明

洪武元年馮勝克平陽絳州十二月副將軍馮宗異攻州克之擒元右丞田保徐伯昌護將士五百人

崇禎庚午辛未間秦寇猖獗屢入絳郡蹂躪焚掠慘不忍言段家莊增生段袞率鄉兵張鵬翼單自成劉孟才史邦俊等與官軍逐賊劉峪澤掌間奮不顧身籌畫多中機宜保全良多甲申正月闖賊入城搜括富人及鄉紳財名曰納餉士夫慘加三木多遭酷掠死

新絳縣志

卷十

舊聞考

十八

清

咸豐三年六月粵逆自河南北渡圍懷慶八月掠絳縣曲沃寇平陽州人戒嚴汾水陡漲數尺賴以無恐

同治元年十二月初七日宋景詩變從西南境度州城至北關平原村搶掠而去
六年十一月二十七日捻匪入境搶掠汾北村莊蹂躪幾遍惟西北鄉爲更甚

光緒二十六年拳匪自沃來稱得異人傳授能禦鎗彈一時城鄉多惑其說党徒日夥號義和團仇視教民戮其人火其居

慘不忍聞刺史李壽芝請平陽鎮兵削平之

宣統三年冬十月民軍崛起統領陳政詩帶巡防隊千餘人嬰城固守南北城樓及諸要害各設大炮數尊防範頗嚴不意民軍猝至一舉破城遂佔領之先是縣人吉麟定練民團防堵土匪至是與民軍合

民國元年七月間李海量襲據絳城劫掠數日縣人唐復興帥兵破城正法數人百姓安堵

七年七月陝匪西來由馬壁峪直驅吉境巡防隊轟擊殲焉時城設兵差局所費甚鉅

異事

新絳縣志

卷十

舊聞考

十九

周

晉侯改葬共太子秋狐突適下國遇太子太子使登僕而告之曰夷吾無禮余得請於帝矣將以晉畀秦秦將祀余對曰臣聞之神不歆非類民不祀非族君祀母乃殄乎且民何罪失刑乏祀君其圖之君曰諾吾將復請七日新城西偏將有巫者而見我焉許之遂不見及期而往告之曰帝許我罰有罪

矣敝於韓

左傳

晉文公時宰人上炙而髮繞之文公召宰人而譙之曰汝欲寡人之哽耶奚爲以髮繞炙宰人頓首再拜請曰臣有死罪三拔礪砥刃利猶干將也切肉斷而髮不斷臣之罪一也援木

而貫鬻而不見髮臣之罪二也奉熾鑪炭火盡赤紅及炙熱而髮不燒臣之罪三也堂下得微有疾臣者乎公曰善仍召其堂下而譙之果然乃誅之

說苑

晉文公出大蛇當道如拱文公反修德使吏守蛇吏夢天殺蛇

何故當聖君道覺而視蛇則自死也

張華博物志

襄王二十四年十二月庚辰晉將殯文公於曲沃出絳柩有聲如牛卜偃使大夫拜曰君命大事將有西師過軼我擊之必

大捷焉

左傳

定王六年獲秦謀殺之市六日而蘇

左傳

景王十一年春石言於晉魏榆晉侯問於師曠曰石何故言對

新絳縣志

卷十

舊聞考

二十一

曰石不能言神或憑馬不然民聽濫也抑臣又聞之曰作事不時恐讙動於民則有非言之物而言今宮室崇侈民力彫盡怨仇並作莫保其性石言不亦宜乎於是晉侯方築廡祁之宮叔向曰子野之言君子哉君子之言信而有徵

左傳

貞定王十六年原過遇神人於王澤

詳見沿革

威烈王二十年五月有大犬率犬數萬殺一犬於東方殺一犬

於西方

舊志

梁

天監三年武帝有疾使臣朱明月求甘露於九原山得之

舊志

宋

薛簡肅公守蜀一見華陽范鎮愛之館於府舍俾與子弟講學
鎮益自謙退每步行趨府門踰年人不知其爲帥客也及還
朝載以俱有問公入蜀何所得曰得一偉人當以文學名世
鎮殿試第七十九人

厚德錄

聶昌臨川人靖康中登政府出知絳州遇害紹興張洙自北
歸至絳見驛壁有血詩云星流一箭五心摧電掣雙眸兩臂
開車馬踐時頭似粉鳥鳶啄處骨如灰父兄有感空重淚子
弟無知不舉哀回首臨川歸未得冥中空築望鄉臺時以爲
昌之精魂所作

明

新絳縣志

卷十

舊聞考

閻同芳字金峯三林里人居鄉以方直聞嘗募建本莊神廟公
正勤劬著有成績年七十微疾而卒入殮時已越三日身軀
頓長面色如生重生鬚髯其長過臍以手捋之比常鬚爲弱
柔釋之應手而舒里中來觀者如堵莫不驚爲神異逝之日
天色未曉鄉人王全文見其策杖而行入莊北廟中容貌服
色辨之最真初不知其既沒也

舊志

右軍都督府都事陶石橋居憂於家維歲戊戌秋其庭柱間產
芝一本二十餘莖如割脂鏤玉敷暢鮮潤士大夫觀者咸謂
之瑞且曰此石橋孝所致也

清

康熙八平六月十三日儒學明倫堂夜有火光如盂自西南來
著於堂西間梁稅上更許乃隱

舊志

光緒間南杜塢人陳永福年十六晨往耘田向午不歸家人往
覘之則人鋤俱杳驚愕間見塋土墳起拙得鋤一路沿訪迄
無知者翌日伊胞叔某復尋之則福僵臥魁閣牆隅置懷移
時方蘇問之福矍然曰胡至此昨實不知所作睡餘似聞人
呼略一開視則日已銜山一叟曰汝來此何爲審其地爲通
山麓土地廟前今迴思往事一如夢境何耶

勘誤表

目別	頁數	行數	字數	誤	正
沿革考	十四	<small>面後</small> 六	二一	珮	珮
舊聞考	十	<small>面後</small> 九	十三	殆	始
同前	十二	<small>面前</small> 六	十九	茶	恭
同前	十四	<small>面前</small> 七	九	宗	宋
同前	十五	<small>面前</small> 七	十五	絳	降
同前	二十	<small>面前</small> 二	二十二	仍	乃
同前	二十	<small>面後</small> 一	九	馬	焉
同前	二十	<small>面後</small> 二	三	恐	怨

新絳縣志

卷十

勘誤表

一

同前二十二

面後七

十二

臾

叟

